

温州府志



卷之四

續集
澎湖遺老

澎湖遺老集 四卷

共 1 册 存 1 册 排架号

08180

香巖集

沈氏乙庵致力於元祐元

澠湖遺老續集序

香巖居士詩學進境嘗受教於沈氏乙庵致力於元祐元和元嘉三關迨後乙庵評其詩前二關均已通過但須著意通第三關自有解脫自在之時其詩境之造詣未經人道而香巖會心不遠館予息園時曾縱論及之歲戊辰香巖將積稿自爲抉擇存詩四卷已付梓印越年冬遽歸道山尙存遺稿介弟籛孫爲之排比續得詩三卷詞一卷乃以刊樣抵書於予謂此數年詩詞皆在晨風廬所作若得爲文序之吾兄九京必以爲最宜予不文且於詩學未能窺見三關之旨趣烏能序香巖之詩惟夙佩香巖器識議論卓絕一時昔人論東坡能以特立之志輔以邁往之氣故意之所向言足以達其有猷行足以遂其有爲節義足

以固其有守此數語足概香嚴一生之志氣至於文章之
雄雋詞賦之典雅尤其餘事晚年學參畫禪因子有同嗜
有所作輒互相印證予嘗出所藏書畫碑版相與欣賞興
至必加以題識每讌集亦必有詩孜孜忘倦雖年邁古稀
而興會騰舉如壯盛不意五年相處訣於一朝迄今思之
腹有餘痛因序其詩詞而並誌我兩人交誼如此辛未暮
春夢坡居士周慶雲序於息園

澎湖遺老續集卷一

秀水金蓉鏡

強圍單闕

和潘蘭史元旦書懷韻

絕倒南園五老翁君家仙館有遺風江籬采罷迎桃葉橫
竹吹來問小紅巨擘久從滄海釣新詩好似月泉工伏生
老對潁川語今古方言同不同

潘君爲學
堂教授

與君同業話堯年雪幾盈顛突幾煙爲記流人名欲就每
爭王室夢常連谷音一卷新分句呵壁三閩偶問天幸有
春風不勢利雲臺不動只安眠

地動

天地稠整萬劫波人居其中相切磋顛頂不眩股腳蹉風

裳舞似臨漪荷開春二日歲在卯此離家室兵車挖六盤
齊攘無安窩三災復此劫灰過富媪不仁赤子嘔星搖斗
轉五事痾我時此室摩殘書窗樞響作吟風駭前鄰後舍
各驚詫齊來問訊災祥何晏嬰指似樞星動女媧或計鼇
足僂釋迦乃說神足僧天龍金翅風火和史文占驗窮五
運遭命約略分三科開元乙巳兩羅列不出星官遺說訛
橫坤一抹固何事無乃仁者心動耶黃巢宗權接踵起五
代十國紛簸磨虎豹擇肉且未厭土囊吸喋何詎苛地神
方便振又振俄頃平復完無頗稽首阿難定力多陶輪舞
出民不訶勤修清淨三術陀亦有內景含蒼華毘嵐不動
火宅遮安穩無過如來家

丁卯人日讌集息園

鼓角不掩春風聲梅清竹秀人皆英抵公雷公怒何事時

嚴劇

鵝鴨不動酒滿罌兔褐金絲新滌器錦衣玉帽坐吹

笙畫卷已看彥遠記綠沈復道景山擎吾徒作計無不可

酒痕墨瀋交加盟眼前節物亦解事黏雞簇燕皆太平湣

灘短舌誇向人用呂氏春秋序意高誘注千金一字那不勅揚雄鴟夷

徒作箴瓶羸井眉醉不營起問樞星何時明鼈足掉弄苦

支撐時地老夫慣見不解憎遇酒卽飲詩便賡蠟花融蒂

已滿市蜂蝶尋春猶未爭偶然作詩報社友春色還人大

有情正可玉壺挽絲繩日日糟邱尋麴生不知許事思自

在便笑二豪似螟蛉

壽錢孫六十

弟生戊辰吾丙辰差肩十二年相倫吾罹三刑弟百福苑

枯舛馳皆倖民今年之秋弟周甲作詩先寄長安春百齡
舊畫遠將寄應真十六圖駙麟祝延舊例撥大雅采擷新
意祈三薰近知中壘勤別錄復道徐陵秉筆論詩心古義
一抉發人物裁制搜淹淪倘似里人貝廷琚亦期無慙顧
俠君春秋據亂各有法潔身無過仁民真古有元稹均賦
書施行亦逢顯德年子思誰為穆公側潁川掌故濟南篇
弟實助予方便刪苦心乃得補牘陳渙號下及郜屋喜一
言撥開雲霧屯私心默計祝弟壽曾過大椿星瑞前彭商
七百李八百服食次亦地行仙况偕齊眉德耀伴粲然三
鳳河東賢繞階童孫戲嬰畫周昉有戲嬰圖闖門嬌女彩
霞賓食報固亦傳世德不獨光相繞身雲物論從來隘似
湫亦言氣義重書紳鄰家負暄輸懷抱野老德色來依因

雞豚社裏迎孺子桑柘門邊踏茜裙聲名露電亦何有負
手南榮酒盞頻醵頰三毫倍覺好腰腳五禽爭道神忍飢
待子衡門下白髮商山四老人升卿鏡涵兩叔年皆七十合井卻得商山之數

消寒五集感事和倉老韻

將軍廣武聞鼓跳弟子流剽風過簫公然白日入市邀金
吾奈此燈火宵春盤露甲咬不得絺紵囹圄瘦可描吾今
醉語瞞天道樽前且倒梨花燒

和倉老見懷詩韻

窮年海錯麇麇蚶西笑何曾一皺眉五郡生涯同業幻九
陵喪貝眾生噫時孫軍大掠無官可狎汪無上汪挺字無上崇禎進
士入清高竊邑誰羞邾庶其為訊大聾老居士掩關猶得
副衣披

贈葛詞蔚

三月三日當湖游日淡柳芽春未稠鄒陽穀人王粲紹興
各識面酒鎗丹竈葛翁留十年一到塵外躅龐言絮語風
前騶秦人桃花已在眼唐述津逮書林迨更觀叔通定縣
繇禮殿圖畫衣冠俾主人酬接日有喜子弟彬蔚紆儒流
近來世事益迫隘覩此乃覺先王優清明日觀我來一住
十迴向華嚴法界清無訖起將公髯一說笑糟牀又熟前
村菊紫芝瑤草各生色共結商山四皓謀

題周夢坡西溪會琴圖

知曾漁笛譜名家又見拏音葦岸斜何瑟歌風鄉飲熟撫
絃流水海情遐香生萍末清無敵秋到庵邊雪是花雅集
請從樊榭後眼前髡柳尙杈杈髡柳尙依洲樊榭

題黃忠端倪文貞書畫卷

久知嚼蠟橫陳後不見鮫人水底啼慷慨大中橋下過禪
心那得復黏泥竹垞詩黃公授命大中橋忠端游心佛海
者明儒學案中敘之甚詳

衣雲閣下偶開尊水墨橫飛四壁存錦帳夜燈相對語卧

龍山立兩清門文貞築衣雲閣於越郡南隅窗櫺法式皆
公至越錦帳圍燈款之黃公不怡謂國步方艱吾輩
不宜晏樂尙書笑日會與公訣爾既北行遂殉寇難

蘇長公虎跑泉詩墨迹

坡翁謫仙人特有山水緣南朝四百寺題滿竺西天粲可
詩應瘦煙霞游獨先寒瓢留一酌清絕似前賢

馬文肅世奇山水卷

一抹煙林水墨成知從心畫見忠貞冰壺無滓秋同澈月

指當空眼更明捧硯玉釵香滿袖揮毫碧海浪翻鯨英光奕奕傳神處活脫平原顏杲卿

壽錢新甫侍講八十次來韻

風雲瞥過大椿年莊叟逍遙說自然述德一詩留祖硯養閒三徑換空絃廬陵譜學添新葉玄宰禪機蒸炷煙閱盡滄桑無限事真應彈指見三千

詞臣老去海山留太息王官谷裏休史筆還尊承祚制盤餐不用庾郎謀門風累世條冰署名節完人熱血酬賸有陽春好煙景折花傍柳更何求

聞說賓筵事可欣雙雙梅鶴拜來勤兒孫額上添佳氣軒詞世間八十最風流長貼在兒孫額上冰雪亭邊見彩雲虞道園有冰雪相不仕江左賦傳曠老眼濟南書就備遺聞最真竹柏同心

處翠色寒光好並分

隔谷清歌憶話端五年不見喜加餐耳聰那許鬪牀蟻身健還能驂漢鸞膳飲從游雙屐熟風光入曲四時歡遼東一住望穿眼阜帽相逢管幼安

憶劉澄如遼東

時在大連灣

竟作遼東管幼安先生阜帽又爭看淨居只說應天上策府猶時辦舌端圖籍醫闈仍在否城民丁令最相干何年跨得揚州鶴重汲甘泉橘井寒

貫休畫五祖授衣鉢圖

禪月羅漢自寫真訶子林中僅有存聞已破碎不可觸豈若茲畫緹襲完無塵九僧題署皆曰五祖傳衣事自元至明不出靈隱南屏之僧寺最後海岸偶得之始有華亭士

夫字濁港搖櫓不見舩揭鉢降龍但作戲其餘伏案書者
對鏡坐者連翩二十眾草衣木食光相圓無伎我聞絕去
聲利本是英豪人何爲涕唾不拭乃作黃面僧隋唐以降
慧學盛福田不具日憚慊廢有求空異端作北山錄唐僧
神清語也
啞羊獠獠皆傳燈安得丈光相好法輪轉七寶瓔珞莊嚴
曜層層貫休掉頭乃入蜀定中一一描兒足卽觀此畫骨
格清竹樹紛羅著衣綠嘗疑若人浪得譽作賦過嶺諍紛
如大事不了虛信施幸哉卻遇魏莊渠椎鉢擣衣還空虛

乙庵師山水圖

我師具天眼博綜流略優臨池必祖帖談苑傾瓜疇獨不
喜王惲沒塵歎紛糅衣珠捐不出平生無閤投今來搜篋
底粉本描虎頭雖未造玄奧妙門啟甌窶玄珠得象罔一

抹彼楚咻歐公集古外有此徑寸鏐比之孝經注鄭志偶
未收我爲發十證附諸河閒劉

芍藥

公子金羈事遠邊嬋娟錦瑟綺華年兩心葉葉相當處薄
倖春風迺爾顛

醪醖

天然錦繡上屏風好事扶持姊妹同一擲東風孤注了燕
泥爭處也成空

次韻耿翁卽席之作

蜀薑攜介象吳客過高軒鬱勃長城字崢嶸星宿源兼金
何所贈斗酒偶成喧一墮江湖夢庾郎只小園

周忠介公

順昌遺象 貝氏千墨庵藏本

明祖持刑法姦人借爲用落落三百年結局閣侍弄周公
仗策起結交魏塘送誰知一網盡深牢填骨痛當時五人
義詛控不能動纖纖毛一鷺只作寒潮凍我來披清風式
敬一爲慟明社已久蕪古貌傳彌重蟲沙幻無餘俎豆鄉
人奉我識公後人張祿姓氏誦相傳公爲都城隍神里中
有其祠友人張飽青丈云
是公九歌與大招流連屈子詠

翦淞閣主詩墨拓本

百粵先賢後身九天儒林丈人唾文應須萬牒撮略爭看
吳均

寶光厯碌在手朱墨翻動海霜小帖留取王略枕祕防有
元章

忽逢北海仙鶴見說鍾繇興酣拈出巧妙十二丙舍諸孫

正參

潘蘭史得探花圖初已貌與圖中人相似徵題

旋轉身中神我色相那必多迷只問鏡邊紅粉裁量衣袂
高低

棣華交映圖寄文昌林豫庵卽用來詩原韻

玉樹交柯閩史聞寄詩索畫意殷殷傳來鵬海垂天翼快
讀瓊山衍義文白首對吟姜被暖繡繡雙擁謝階雲更看
彩筆思譚漢略似南游竹垞云

九日登高

重陽七十二回緣華閣重登果到天笑撥戰塵杯底滓弄
來秋色眼前妍玉蟾桂影驚初鬢金蝎桃枝憶少年獨有
冰心未消釋洪鑪試罷竟誰賢

過笕橋大營有感

蒸土誰家起赫連軒臺西射是何年臨衝邪許聲初斷因
壘旌旗惱最先楊柳出車搖落盡鼠狐誅窟往來便大夫
不惜經營苦留作長城飲馬篇

秋雪庵祠事畢有述

芟蘆西去萬花妍掉雪尋詩已十年水涸一枝攜釣艇峰
危兩髻插晴天愚公尙有移山錘詞苑新開絕妙箋老我
月泉稱祭酒桃源雖遠卻能仙

祭次主

紀夢 十月十三夜

滄海成田夢未殘除書新下動征鞍勞生猶在鐵鑪步子
立中原靖長官

懊惱人呼懊惱天斜封墨敕又新鮮景升也作荊州督鸚
鵡空能賦可憐

先皇仍住五雲端指顧中書毛骨寒禮數舊饒三獨坐笑
歌但著九層臺

故人毒手險難當得力終須屬李陽成就暮年冰雪養鉗
錘何物太情長

人生擾擾八風搖唾面誰知妙藥調些些猶較婁師德火
急文書一例燒

恩怨紛紛未去懷深池瞎馬浪推排平生忍辱波羅密到
此分毫那不諧

夢中說夢慣長號每覺仁妻見事高一曲屢屢五羊殺大
夫何事不醅醕

輯四裔考成折之以詩

單于不驕鬱單驕墨屎暝姪環相招玉皇一笑電馳輶雉
裘不用何須燒羣臣魘孽昧難昭海水何得毋回潮虛空
著楔眾論淆軍林如鬼百計撓藏山於淵固不佻何爲夜
半負而逃帝儵日鑿方自豪風日交損河難消吾編八紘
義必超深心默呪期唐堯崑岡炎炎渾欲焦誰能拔出雲
雷交

南湖表墓圖

南池詩社可窮年東郭郊居但一廛喚醒鶯花幾家夢瓣
香依舊起湖邊
表墓重來太守賢蒿萊新翦又成田眼中圖畫心頭淚只
有清風可告天

寄張菊生

恩怨區區業力牽箭鋒相直本無全厯陽一夕能同命何
沉塵沙劫可憐

三災不到淨居天只有菩提大願船魑魅古今誰鑄得墜
淵加膝兩皆愆

題尋骸得壟圖

彈指潯陽舊草堂主人去後幾經霜頻隨跳脫占年命不
道巴焦得夢祥弔過娥江驚彩筆魂依仙冢見垂楊烏頭
馬角他時望夜月楓林萬古蒼

朱文公遺象

談經高密後夫子日中天靜入延平室嚴分太極篇四端
尊絕學八目究遺編敬義雙修省誠明兩仔肩立朝資啟

沃作郡見敷宣書卷傳江漢尊崇極廟筵人心同樂育聖
眷仰高堅世教紛無涖鯁生企有年夢依雲谷迴薪接夜
鐙傳圖畫風斯遠薰香禮萬千

沈石田遺象

先生游戲太平年不見狂禪講學顛吮墨自傳仲圭畫役
心不受長官錢杏花書屋憐予季圖畫長江別贈賢忠厚
至今如可挹鬚眉不改舊時妍

題張伯華先世遺墨

寶章待訪米家船缸面蘭亭酒滿前一室閭梁分付在不
須官閣競流傳此册云失而復得

史忠正公鑄礮行

文山後身吁可驚左公衣鉢燕山英天人相應兩奇絕金

剛不壞乘願生常唬攝入菩薩乘兵解乃作碧落卿此鐵

何幸爲公具甲申歲在鐫崇禎嘉協右營我鄉里從軍子

弟皆錚錚國殤爾時凡幾輩吳壩陸鈿頗有名庶吉士吳爾壩諸生

子春燈謎朝廷方急鉤黨烹不獨四鎮呼不至鑄錯早作

蟲沙輕公之衣冠留廟祝此鐵至今完難鏗蠟梅花發把

璣詠我來爲補鑄礮行夢中髣髴見真宰朱家一柱東南

擎配以趙公鐵如意寥寥半段王鐵槍摹拓雖古生氣在

星芒夜發垂長庚

八大山人山水歌銷寒第三集爲嚴裁如作

个山驢石城孫憂國但有畫筆存食肉不肥食薇不瘦廟

祀猶剩朱家村夏綉承說南昌城外有此畫潑墨拙筆耳

祀猶剩朱家村夏綉承說南昌城外有此畫潑墨拙筆耳

脫盡窠臼鉤斫尊槁木無葉山禿楊蟄居一店江流吞寫
出當時亡國恨燕子不語瑤草常無根石濤石谿畫詩僧
把臂定是弟與昆阿難指掌戲轉陶家輪散落點點丹沙
空青痕

題李西涯詩卷

意到筆到墨亦到宰相太平方爾能杏苑少年何日見不
如分與讀書燈

澎湖遺老續集卷一

澎湖遺老續集卷二

秀水金蓉鏡

著雍執徐

涉園詩爲張菊生作

海山本仙靈奧折復絕景泚泚諫議公秉燭以自炳處士
修七松拳鵲有孤鶼當其步丹墀一言救百管羅縷入告
編深心抱悞怪歸來卧三徑俗駕爲幽屏亦際太平時草
木得修整我時僑海上忽值雲孫請畫軸出繡襖古義滿
頌鼎兵塵尙瀕洞有園不得省盛衰關天下豈惟洛陽警
前歲志竹垞鉏芋得新藪別本摹倦圃發篋有孤影今又
見佳事標榜到詩境亦如晞髮翁慷慨懷富嶺山鳥萬法
音山花千嬋姪

題獲古編用李審言韻呈夢坡并寄審言

蕉聲喜附阮書科
散落明窗見百坡
三篋未須車後記
百金難得不龜多
歌狂約略慚青兕
味好從容出紫駝
苦憶韓江李居士
幾時來共水曹何

近聞馬帳寄編摩
酒坐晤淮上一少年
又讀清文寄老坡
詩興好隨花事發
書癡還比酒痕多
遊仙卻似揚州鶴
識道能爭遠塞駝
慚愧明珠無一寸
簸糠真欲眩人何

題朱文肅家書

閣老何如太僕閒
近閱味水軒日記
樂閒第一是還山
賜金娛老牽衣切
擊劍隨兒卧野嫻
語好湧幢香滿握
情深夢草淚潛潛
功名畢竟浮雲幻
留得丹心照世閒

次李審言韻

老作登樓社
酣歌謝客池
微雲淮海夢
舊雨杜陵詩
載酒逢何日
飛文緬所知
寥寥一尺簡
遙寄十年思

周末庵教授山水圖為陳蓮汀明經作

報政歸來老令君
講筵開處寫靈芬
壁經分定先秦古
廚畫飛來出岫雲
且喜州民識徐孺
更存遺墨灑羊裙
孫曾翹楚森然立
傳說門闌節義聞

題人日淞西草堂畫卷

雲東畫卷雪樓詩
更著權奇無住詞
論品色香誰得妙
須溪論詩語意
劇談風月本無私
道人隨手丹沙現
招屈呼天薛荔垂
我似淨名常杜口
靈山會後散花遲

題吳老畫梅

獨樹園林逋老疏
枝風味逃禪鶴
到夢雲醒未開
落無地

年年
記得吳翁筆底瘦來與鐵同堅一自海山去後月明香冷
常圓

題朱犀園讀書圖

畫是詩家錦心爲月府梯海山龕一角冰雪坐雙題炊黍
夢常到板桐境欲齊希夷原有傲齧缺問王倪

和江湘嵐禊飲詩

春風笑我老能狂酒盞詩籌百不妨猶有竹林嵇阮在且
隨汐社謝方忙過江再見流人格得句如登選佛場繭紙
鼠鬚齊著力斯文喜挹永和香

題程子大鹿川圖卽次其禊飲詩韻

讀君禊飲詩隼擊時一至觀君鹿川圖剽勁更奇致別來

十年矣翩然接良袂相驚各老蒼矜慎走白騎尙賴一春
閒樂此五是備遂結伯雅三招尋方聞四登樓紳紱徒折
俎羹定位不改浴沂風少長儘博識君作老羆坐唾文實
孤異商聲激中誠灑灑百六字如何鹿川居不得安造次
碧桃花滿牆落紅誰掃地達人遊無方逍遙有高寄鯨鯢
不解事幻出海市氣時日本吾適吾陳芳詩酒固何累風
翻待翔雲歸鶴有時會

蠶豆

周家荏菽記生民不待山戎始見珍與麥同栽復同老調
羹須得配鹽人

滑過琉璃一撮圓剝來翡翠兩頭鮮絲娘珍重春風味下
箸何嘗要萬錢

劉左泉六十壽

隱人心無營抱和適日用漆園養生主善藏得其統先生
精藥辨寸田理揉縱六氣慎司天五情無交訟爾來痾診
作手握靈蘭詞扶輿各平復交口長桑頌更移活國心北
望每咨恫求艾不疑孟墨守輒存宋知留治縣譜不改素
絲弄勉哉薪火傳允矣杏林重曲終奏飛鶴聲清見雛鳳
滿坐乞一言芝草日應種

贈蔡伯倫相士

海內有畸人無過蔡伯倫早遊神山溘并隨仙聖淪晚歸
已無家月波洞其真一簾正懸肆蜀莊全其身當其奉親
仕蠖屈本求伸幡然孤棹回戀此赤縣神魯連好男兒蹈
海不帝秦況彼蝦蟇輩垢濁本非人拔宅既已遠擇里惟

其仁吾知炎黃裔扶植至乎醇口說忠孝事託業何其勤
幸哉吾州大志士今能馴有此九辨才挽茲五岳春吾老
無所事每喜奇士聞漁釣窮餓中待清皆吾羣五雲起天
末照耀山川新

為張蔥玉題郭和庭山水卷

郭家金穴舊知名禾中郭古樵翁富稱百萬今日傳芳三鳳鳴累世筆

精騰譽望滿門風雅及娉嫗郭曉樓季純父子精繪事和庭起庭餘庭昆仲繼之婦女

皆能染翰亦近世之文氏也伯駒伯驕珠雙貫畫斷畫評書兩行此卷

金針度人處請看玉躐始裝成清河舫裏添新話泊宅村

邊對短檠山色繞溪雲作幄檐陰倚壁樹連楹松迷弘景

穿層閣徑轉淵明可望衡景物收來真不盡胸懷見得始

為勅玉父挂起無塵點錦袖攜歸照眼明遐賞莫教寒具

沈他時共憶考槃情

東坡鐵如意歌用吳昌碩韻爲哈少甫作

忠毅如意篆蝌蚪誰知早落蘇公手或遭荆舒或陽九兩
家嶽崎同不朽李定舒直掉百醜詩案瀾翻工擊培此時
如意竟何有只如惠州秀才亦無負歸來陽羨信云偶浴
此鐵漢本無垢平生恩怨不挂口玉局一星懸北斗卽論
新詩不在李杜後後來如意舞誰某不是妖狐卽功狗豈
如君家吉祥卧晴窗拂拭辨跗肘寶章硯山鵝鴿金盆但
說博學而孱守

題談麟祥尋夢圖

海濱有貞士閉戶得天眞思親形夢寐寫圖續前塵兩髦
侍階屺三荆交昏晨回歡雖俄頃銜哀見顰呻案上萬卷

積機邊一鐙新手澤所留遺委曲備關身雞鳴在窗戶催
醒夢中身讀君講學編精思每入神以之凝想得寸草池
塘春留連題短詠慷慨歎吾辰安得守尺土繞徧黃墟畛
一息實快意萬古不復陳

嘲櫻花

傳聞海外櫻花豔有色無香只自欺但可惱人紅似火也
應羞對合歡枝

九畹芝蘭能瑞世三春桃李自生仁知渠無地誇張處只
合逢秋碾作塵

浮花浪蕊散如星轉綠回黃未覺零輕薄還如路傍柳火
燒賊斫也須經

幻事能開頃刻花轉頭風雨混泥沙排牆穿戶眞堪笑火

宅青蓮那得華

熱來休憇惡木陰渴來休飲盜泉深請看今日韓邊外逐日焦枯剩鄧林

牡丹花王有定評何來異種鬪芳名幾曾寫到中州譜更作韓彭一例烹

伐櫻更憶姓蕭人治葉倡條動四隣畢竟奇淫無用處橫枝別出使人瞋

烏頭鉤吻毒應知況又杈枒觸手滋吾爲百草憂春雨羅縷詩篇告市兒

次韻程十髮

翁今貼宅別開門墨戲新來渴驥奔月白喜逢良夜飲麥黃方見歲功存詩嚴琢玉交柯出氣挾凌雲望岳尊獨念

鹿川高閣在鬢絲禪榻待人溫

程新有朝雲之悼

大暑中題梅花卷

逃暑欲何之渴想梅林下胡香凡幾兩巢居有一箇雪霜相與游趙孟亦不怕雖值墨海翻且食牛心炙對之實快意清風更無價恍然翠羽翔夢醒參橫夜

趙種青六十次韻

老作蝥蟬州裏客昌黎南食日登筵熬波著語曾添賦藤雪書楣知極妍家世良疇傳賈勰功名乾牒有金筌蓮花爲壽梅花伴作供天人憶道宣

每讀君家令時詩水村圖畫敢誰嗤昇元亦有雙金錯顧覬何妨半點癡游學問年良史序靈書扣齒玉晨知黏龍擲鳳眞爲瑞珍重篇篇燕翼貽

畫松

昂藏離立一丈夫何來皓髮商山逋絕代語言不易摹寄
情雲海分清腴章偃張璪非爾徒蟠胸甲兵勢並驅瓢泉
居士倘得之門外蒼官相待無辛稼軒詞門外蒼官三百輩盡堂堂八尺鬚髯古

文后山梅花水榭第八十圖

文家變格寫風騷不讓停雲筆偶操賞會舊曾傳小錄戴文
節畫絮絕類翁拙筆山水工夫熟後破生綃寄情處士孤山遠翻本鷗
波水榭饒為數青谿二百本可能追步鬪芳標

贈王立凡醫士

我曾少作萬里遊歸來但卧水上樓乃覺平生百事無一
工笑倒百歲漁樵翁平江王翁不出門以醫自適道且尊
彈絲吹竹過一生醉後淳于長嘯絕冠纓爾徒紛紛走蠅

蝨寒熱恍迫愁一室安得俞扁九種鍼為起士安偏枯疾
如今老懶謝風塵多愧先生古好春何當一訪林下隱高
歌離騷九辨神予游湘六年故有斯語

題戲鴻堂帖

玄宰古清士墨池風采存借書天籟閣帖多存項又新語談藝細
林村趣博寧論價傳真必討源多收古帖於淳化外跋皆敘其源流吾思沈
叔雅丹鳳見身翻珊瑚網吾禾沈叔雅弘嘉暨子商丞董氏戲鴻堂帖是其手摹

黃小魯煙霞訪梅圖次圖中韻

煙霞洞古望遙年蠟屐來游憶浩然勝引須添梅作伴畫
圖難得筆爭先主賓好似曇花現棒喝誰參斷際賢有子
克家能述德江湖到處看流傳

寫黃山松

掛冠神武學逃空二十年來兩耳聾誰道香巖几案下更能谿閣聽松風

戊辰九月華安樓宴集用杜韻

雲外雕甍敞筵前節物非社肴分半割鄉夢怯全歸老樹當秋嘯孤花弄日微沈吟吹帽處心斷洛陽衣

朱庵雙桂

當風吳帶出塵游八月呼槎野寺秋爲訪薌林舊居士洞門便接百花洲

誰家證得木犀禪古佛金身在眼前成就莊嚴寶瓔珞的知相好過諸天

屈伸八萬陀羅臂一一如聞彈指聲薦取妙香真實地草鞋勝踏百重城

不隔祇園一水涯閒時來喫趙州茶何人穿鑿清涼樹常護閒庭佇月家

富春懷古

暖翠浮巒在眼中幾人高蹈幾英雄釣徒坐閱江山重王氣先開吳越風雲護梅移秋不老攜搖岸轉浪皆東誰能瀟灑過佳日更問南來汐社翁

鄒穀人小象

與君總角卽情親五十年來但率真河水自流金石止隣牆近接燕鶯春君近結屋湖濱依然貌似蒼松老難得家傳稚子仁福慧雙修誰舉似深心總屬佛前人

又題二絕句

桑海中閒兩禿翁苦吟相對說鴻濛堅牢立腳誰人省歷

盡風波始見功
吾師善教語皆工
冷屋從遊髮尚童
花月酣嬉都在眼
幾人耐久亂離中

呂韻梅詩稿

東莊雅淡人
孔釋兩深造
黑風吹羅刹
境轉神愈曠
我爲發
深心重茲
儒林寶
今日逢末
孫詩畫並
超緲寒香
接耿菴
短詠翻謝
眺鴻莊得
同調山水
恣幽討誰
道不櫛才
寶樹移還
好近浣錦
軍苔遠盼
龍江島文
物只如初
冥理若可
表乃知拔
山力不敵
愚公巧拂
拭玉臺塵
洞湖商山
皓歲寒冰
雪中松柏
可以老

題東坡象

壽命爲流水
遇時一現耳
先生性常住
著處皆可喜
笠屐

嶺海塵脫略
妙高屣

平園集遊金山妙高臺壁間有東坡族姪成都中和院僧表祥繪公象公

自贊云日若新生之犢心如不繫之舟要問平生功業黃州惠州崖州爲暮年所作諸集不收家家香火

緣挂壁有一紙
何以使之然
道義高可企
筆墨爲華采
罵譏成旖旎
烏臺百種語
落落傳姓氏
舒亶李定輩
何物得穢滓
丈夫自有真
不假外緣市
寄語後世人
勿作圖畫視

董香光畫卷

文字須從近裏看
尙書福慧兩俱完
畫禪亦有金剛定
不受楞伽變相謾

張子青山水卷

臺閣山林各一時
丹青神化有前師
惜非上治貞觀日
職貢新圖亦不知

一縑那得百金酬
皇甫空依綠水遊
猶勝輞川圖一角
達

官屋底走延秋

名位真分皇極憂規模已見靖康愁相公曲子爭多少一

抹橫坤寫九州

夢影前塵感不禁春明十載附朝簪流光重照澄心紙丹

展何曾見六箴

崔萊怡重游泮水

杖藜鮐背文字好一著儒冠八秩開卻憶少時新得第渾

如老將再登臺書城百歲羅侯健寶樹三珠海客栽繡襖

童孫盡龍鳳花閒日日勸杯來

蔡松如盟鷗圖

好箇水雲鄉鷗盟引興長鴟夷連酒舫龍撥貼琴床行樂

宜年少尋秋得妙香季鷹見事晚猶在羿弦傍

贈葛景伊

葛園號梅艇繚繞城南陬徑曲籐鉤袖花繁香滿頭古木

起十丈有若高帆收玲瓏開八窗面面風花浮吾時乘秋

興宴坐當遠游未幾羅酒漿言詠互相酬樽中倒醴醪壁

上畫滄洲主既丹青擅客亦意氣投似温伯雪子目擊道

何求誰言商聲歌而非行樂儔起視飛鳥上斜日明高樓

步屨尋小阮更作終夜謀

灤水聯吟圖即步原詩韻為顧鼎梅作

灤水注漕白控制若右膊以斯奠京邑形勢不落莫其閒

青石梁險過太行愕奇鬼閻幽寰馨若徒手搏踰此忽開

曠封駝走厯碣烏桓或屯駐紫濛洵開鑿恭承皇極奠基

兆實廣博聖人乘運啟井牧分肘膊豹尾有時巡萬幕環

清灼秋山夜獵明春輦童歌樂行殿聳星辰周廬有衛霍
無乃黍谷寒還見陽春脚當時考種植黍稷堆圻堦圖瑞
穗一尺茲地洵不薄阮公正朝京秋塵起一攫賓友幾何
人清唱乃閒作顧翁搏險句顧廷陳叟亦踴躍陳文奇音
發金石筆勢窮寥廓阮公復繼和阮文獨念武林郭豈謂
道塗閒師弟傳祕鑰最後朱京兆椒堂變體賡邱索摹繪
景福殿璀璨天祿閣長句筆最雄匪子能忖度梅亭戀衣
鉢鐵冶門下喜開拓著語不必多形神自秀削撫卷知珍
重緹襲三重幕相距百餘年欲語輒顧卻道咸既不振久
缺周官鐸甘泉烽火中龍輻纏哀壑撤簾瞻兩宮委裘順
絲絡天興忽兵起化作南征鶴詩人不能忘慨想桓與酌
如何風雅流無心問訪落莽然成盜區狐兔時閃鑠哀哉

陽人聚誰能起沈魄顧子承家學捧圖感今昨鄭重乞一
言磨鈍出鋒鏑長嗟道喪餘義隔語言各囂俗未易回魚
藻思在洛天運會有終翹首問冥漠

夏頌椒撰濮院志成作詩貽之

新學不用儒文字忽束閣前輩有何咎揖讓爲準酌君誠
萬夫雄寄此一髮託春花有采摘秋實亦羅絡前光以後
彰茲事不徒作英英先正言可以昭昔諾知從明經來試
吏亦不惡鄉校革鴟音布政憫鮒涸本末固釐然乃秉牖
民鐸我時游海上喜見鬚眉灼腹儲五經筭瞿若老鸛鶴
云謀必底成事戒因循錯陸裝出不難遂付朱墨削鄉志
始宋人常程兩不弱漱浦規模繼古人貫串資流略夾
溘老諸生所惜一官著遺山野史言曾不費銖龠君獨勉

其難篇卷何落落餘興到詩卷英華抽絡篋敢爲一言揚
倘似玄文博

郭季純梅

喜見河陽筆真蓬嶺上春買船好下瀨尋夢記前身綠鬢
鈿新貼青鸞舞最神寒風吹不落高格爾何人

吳待秋山水卷

歿氛滿地眼不開忽見石壁橫崔嵬栗里東接康王谷環
山村落紛莓苔松柏猶疑魏晉種逃虛真欲移家來幾時
結伴入山去門攤車筭何由災吳生此畫乃爾好令我十
日含毫猜仲圭潑墨子昭粉後世畢竟何人才

題樓辛壺山水卷

來從山水窟繭紙寫牛毛彷彿丹楓驛參差阮客豪幾時

穿蠟屐隨地種仙桃石室因君問兵書早見叨庚巳編載
劉文成遇

石室讀
兵書事

東坡生日限尖父韻

當頭古月挂纖纖照澈鬚眉象設嚴性海不曾移點滴生
涯還是戀齋鹽好官處處春婆夢乳燕飛飛華屋簷一薦
寒泉舊風物爲公吟斷蜀山尖

歸夢驚心最後鴉鳩來陽羨卸征車四橋好在經行處三
過仍分倦眼花禁本文章傳一一小宗香火自家家我今
說偈無餘念指點還呈枯木父景德傳燈錄祕庵和
尚說法常持一木父

陳澹如刻竹拓本

不著纖塵得異香善然遊又有餘方雕鏤宛似無根樹策
撥當參海印光妙悟巧遲三十里探幽須入篔簹鄉誰言

刻楮工夫拙雪槩風斤自抑揚

題朱大可母夫人詩冊

女教在靜嫻貴澤詩書氣不惟誠邦家亦備彤史義朱母
出名門秩秩敬賓祭餘事工篇詠將與班媛輩論定有史
官紙墨粲星緯秀色蔚家衞子賢復孫繼典誥理章句每
與經生議凱風吹棘心令德此有寄

澎湖遺老續集卷二

澎湖遺老續集卷三

屠維大荒落

馮滌舸送窮圖

秀水金蓉鏡

畫苑得良師搖筆卽錦燦一洗儒生酸沾漑賈豎牛先生
有何窮乃效昌黎怨凡所謂五窮今時可不恨所憂惟時
窮階亂非一旦憶自道咸來通商實始困大臣皆不學目
眯五洲觀鑄錯遂至今狂惑矧又換禮窮雜夷獠兵窮乃
伴煥技窮起詐誼財窮爭賈算市窮侮土物充塞盡堅鉞
士女各萎媵丈夫亦斃數狻狂與檣杌雜然工呼喚喧喧
追鋒車盤盤滅貊爨煎熬水火交凌藉衣巾汗不知五帝
德承以百族悍甚矣生民窮咄哉禮防潰五鬼何時祛擬

作醮壇判星辰有昭鑿斗綱正天漢鬚鬢何所逃神飈與
之遠先生一筆鉤拉雜付火曠門闌始清寧花木重璀璨
理我舊弦歌寫我故山館肅然攤門外鷄雜乃永竄聲隅
子聞之造廬爲一粲揖讓道其常杯盤儼饋獻議論抗三
古道術乃一貫居然戴晉人一咲笑茫瀚膠彼祝鮀喙弄
我羲之腕狂且不復狂辛有不復歎堂堂大道行家家兒
女媻庚桑不自功畏壘固已進譬如禹鼎鑄茲圖可以勸

題翦淞閣圖

我交潘翁於海上逃空避世兩耿介門庭設施固未遑高
寄何妨一室隘門對大海祇聞琴衣濯滄浪有時解詩酒
驅使尙不亂金石藏弄亦稱快七十行吟萬事非酒錢時
向杖頭挂歸來惟餘醉墨存禪心不怕天女怪時時響榻

出妙指散花如霰滿一袂聯翩八圖寫幽屏閉門自理淳

熙話月于夫人能
手拓金石文

和雷星使七十有感

彈碁方爾推枰去萬里途開禁足遊國事已而聞太息人
情淡處易春秋身爲黃綺憂常切夢逐夔龍淡不留洗面
淚痕何物遣靡蕪香草一時休

草堂南埭敞軒楹入眼雙松黛色成居近謝橋尋舊燕春
吟陶柳喚新鶯歸槎獨鶴冲天唳翻海長鯨破膽驚差喜
牆東有桑柘呼兒還得課陰晴

二陸草堂歌

草堂幾度付煙蘿二陸文章耿不磨慷慨真能弔魏武含
情未有如公苦蒨羹空好不得歸草草功名付黃土至今

成就張季鷹染指鱸魚曾何補書生切莫豫人事擇肉那
得猛如虎哀哉匆匆一世人六鑿攘奪完無身陸公應笑
張公怒黍離還有黎侯臣

謁李忠節祠神李待問也

黃鵠起蒼波靈旗玉馬馱英風支半壁碧血濺重阿青骨
原名帝刑天亦舞戈竟聯陳夏去愁絕渡江歌

論畫絕句

畫學須從細謹參前王維後董源有司南四家變法傳神

韻鳳翥丹山舞正酣

倪黃減墨不減筆寫出遺民肝膽寒後來潦倒殘山水那
得論從馬遠寬

少年筆力信天成池墨也須到伯英最喜近來劉孝子彥

沖龍眠真欲問前生

論書二絕句

險絕靈和各有宗超超吳郡說來工平生亦喜元和腳無
過當時筆諫風

層臺舞袖褚登善正笏垂紳虞永興光氣到時凌紙發家

雞畢竟勝癡蠅

唐碧玉硃砂碾

陝西出土鄒適廬藏其文云天公姓張字伯明一字君解天母字君恩昂星字太伯太白字王昌歲星阿辰一名玄圭寅公字曲毗北君字白所曰字子花月字邱明一字芝生日出行呼日字月出行呼月字

大中三年此道士藥器

奉手星辰與比肩攀揆名字共流傳荒唐弘景填真誥真
似蹇人欲上天

草堂話雨圖贈徐恆廬

塵外蕭然有此廬春風一棹褰衣裾三閒住得平原屋萬
卷窺來袁豹書沽酒采蕪鄉味足墨華雨色塵談初人間
樂事無過少雪面紗巾玉不如

夜飲朱侍郎宅

兵裝煥精鐵戰馬無休時吾衰倦飽歷一食恆矜疑侍郎
翦紙招盤斝羅新餼王老銅梁秀來會同襟期衣拂海上
雲髮垂風前絲流離共樽俎語雜京國遺慨然思鎬飲驪
戒亦見欺夢幻二十年猿鶴等成癡龍滌有一潑至今萬
物疵豆田拾新筴越甕開重醑醉中無所事弄筆寫枯枝
四座相視笑明燈照鬚眉鬢何爲者不顧一世嗤寂寞
釣臺客蒼涼草堂詩

四賢瀑直圖

李澄中滑清黃虞稷俞
邵萬言貞一高詠阮懷

虎觀聯文藻蓬山列上才鈴聲通掖竹賦興論岑苔畫石
仙衣在聞香篆匣灰柯亭曾接跡霜露夢金臺

鼠

黠鼠工偷食天材自爾能緘繚皆可隙餌藥亦難懲生計
從渠急甘心取賊憎誰知供搏噬機辟有時繩
生殺皆由命恩威兩不知自來依曖昧此物太貪癡窳宅
燈前語翻騰案上厄何人乘車入餘技亦能師
數日得貓鼠遂絕跡復成一詩

連宵撼屋復翻燈白眼看他惱不勝只是主人無調度卧
龍一顧卽清澄

萬節母貞柏圖爲曾侯園作

柏石曾題賢母圖蒼華復見女貞姝交柯自是清門樹渴

墨常書博士符霜下墓田禪智好峯前綽楔祝融扶報劉
心事吾能說慙愧銘詞屬老儒

文銘

贈唐生

真遊虛室見天光不隔塵埃掉大航海水自澄同一味墨
池好泛動聯章鴉呢津樹迷雲簇燕入珠簾喜雨忙老去
惟餘心力在久知六鑿不相妨

題祝氏茗香館詩稿

詩教即家修此道古所重陶杜處危邦不失周身勇茗香
皖山豪飛蓬嗟籠種深知天道還懇懇忠信奉流離世故
間循身成贅馱佛說為緣業一笑若脫甌火宅三乘車悲
田兩足踊不須吟窮愁完我天光寵反覆君詩篇什少語

則聳卷中有天道盈虛本循環途窮莫怪市吾亦亂離人

老大愁擁腫但得平心觀造次莫作俯側側劫火纏處處

焦原踵識取本來空闢蛾又出蛹瀟灑世法中無礙亦無

恐

荔枝

東坡老作海南僮日啖霞漿風露香莫遣中朝大官覺黎

生蠶婦與親嘗

倪鴻寶詩畫卷

古盤吟贈范質公吏部

世有膠漆為兄弟未若道義相要堅范公直節拄北斗倪

公光氣分山川同生且復能同死砥柱人紀不問天古盤

吟到雙士句目光已灼牛皮穿古人定交有若此所以歷

險無不全三危仙露字字警九華雲氣奕奕仙丹臺寶籙

香花供稽首慈皇大覺前

宋人高僧寫經圖

有緝熙殿寶項
子京珍藏印

蕉窗九錄舊因緣古色靈光在眼前大似伯時臨十志少

林梵響正談玄

良渚道中望莫干山

駕言出北門坦坦餘杭道不逢鶴髮翁已熟長腰稻山是
馬遠餘水亦吳人沼曲折百里閒茂蒙穿晴昊秋雲見一
角叢竹矗旌纛恍如遊園林點綴極明皎陽坡暎牛羊陰
粵瘦郊島枝峯與漫壑一一走腰裏吾行若飛仙鹿盧不
足掉夕陽送高風俄頃已登造燈火雲氣中脫灑城市小
相安留十日寒色耿襟抱

陪夢老遊石嶠山疊前韻

石嶠橫東南溪流穿幾道隔谷蒙籠村搖風連畦稻自厓
學虎蹲入坎忽魚沼松風兩三枝練石自羲昊叢叢路旁
山矗矗風中燾曰砧石戴土或嶺美兮姣大小環而宮聯
屬偶似島倪黃寫生手黛墨筆常裏琅玕富包藏詩料麗
可掉嘗怪六朝人清境未或造周翁妙穿鑿割取雲涯小
采真庶茲遊清絕雲霞抱

息園雜詠

溪山踏遍始歸來一卧牛衣萬事灰猶有風情得山趣仙
茅紅朮看新栽

好竹連坡那記竿當門六月已生寒秋茄春笋能消受老
作山家不用官

玉水環流野草香閒修竹篔引山房清寒不似人間味新

得初平煮石方

地僻堪稱水竹居水聲竹色中
成渠不須行藥諸方去白
朮黃精繞砌餘

黃神越章抱朴書入山那必細分疏神光與汝安心意瀟
灑風花只自如

年來腰腳自誇強歷石捫蘿尙不妨偶到源頭看瀑布居
然洗耳學蒙莊

忍辱化人耐得翁生來未達那知窮山雞露犬莫多怪瑤
草琪花自在紅

辛苦西莊王給事閉門方覺道心長杜陵只在浣花里吟
過東家黃四娘

舊時翹首峴山社文采風流今有聲修竹叢中三畝宅全

家曉起看雲生

浙山喜得聳如拳看徧黃家暖翠天說與外人莫相妬老
夫未破買山錢

題息園圖

萬疊琅玕三畝宅一牀書卷半簾雲用夢坡句的知淡泊堪娛
老未必神仙遽過人句漏本來偕隱久桃源但以避秦聞
且從高處看天下正得平安報好春

得楫江書卻寄

魚腹新傳谷口書秋蟲食葉困長沮禾頭白颯愁迷霧雨
腳乾來苦汲渠田父淚流難卒歲蕭符火急有追胥我今
吟望空山裏芋栗園收歎不如

登塔山過碧隄觀龍潭瀑布三首

直上二千尺樓臺繞巘低秋清連竹園雲卧冷天梯險石
遮微徑平疇接遠溪封禺古時國更挂夕陽西
碧鳴幾時有人煙湊一村泉春雲確靜飯作胡麻磨貌與
天真契風依舊俗存吾爲求野計細數到雞豚
夾谷一泓水滔滔冷不停未須三峽險偶濯百骸醒老喜
逢清境殃能懺昂星移家且未忍提耳爲親聽

讀陳毅東陵詩感述

十全天子萬年居展盡皇輿展歷書誰謂橋山一坏土神
靈不得護儲胥

長秋無復鏡奩陳地脉真疑斷不神卻憶殿前呼老佛含
珠竟走六街塵

十曲傳來幽怨生幾回天上按歌聲見唐真音錄猶勝玉骨分

唐帝已見銅仙泣灞城

茫茫海角有遺民哭斷冬青慘不春得力卻從恩澤外酬
知感遇是何人

題古裝美女圖

高髻飛綃妙色身錦衣玉筍亦驚塵請從里巷觀風俗那
得輕盈如是人

論畫絕句

吾鄉畫事數山樵項易庵接跡瓜田靜不佻猶有南樓老孫
子墨花浮動力能超

文翁老作印人師畫筆翻從拙處奇金石氣通山水訣飛
文倘出武梁祠

展重陽

戀極承平煙雨圖聽歌把酒望南湖重指倦眼看秋色好
對長眉映坐隅傲菊霜前驚脫帽傳車聲裏喚提壺鈞天
醉後何時醒江樹蕭蕭剩幾株

項易庵先生自畫象題辭

山水用朱筆成於甲申四月託意甚深

胥山洩雲屯長水波復滄項氏起於斯繩繩作世範鳳皇
雖尙雛不食下田謙志士不出門常時憂國忝當茲冰雪
辰瀝血哭卧居推胸起山川探喉露肝膽丹霞就揮灑碧
色驗琬琰宛如陶家輪細轉人不鎮至今見遺型熱淚染
點點丈夫當如斯星辰坐可撼吾曾薦寒泉敷衽明湖檻
汪汪衍波長欽欽揚靈剡子結高士祠於湖濱祀明遺民先生其一也

挽升卿叔父

吾有才名叔出處其形影未迴大海瀾已薄崦嵫景憶自

患難來七十祇俄頃流離髮未燥脫弁見初穎薄宦走東
郊頓轡得自靖年來戀鮭菜時時顧鄉井每見必留連生
涯兩管邴笑謂濟南遊小別指歸艇一踢逝川上井幕遂
脫纒岱魂渺無朕雍門有哀郢指田逮近親析券助勤省
明悟身後事安排去何哽階蘭足歲蕤洲橘課亦整生緣
既無缺去住卽相等有如翻覆手達者固常靜連圻尙烽
火丹旄諒無梗丙舍有諸孫黃壤期畢境獨念衰謝餘親
故盡無幸獨有太邱在相與樂幽屏今又奪我去不復對
杯茗回首京洛遊兼存板蕩警炳燭一敘懷涕泗垂項領

釣臺

山水高深想象成鈞翁祇適向來情故人賴有劉文叔飽
食江魚過一生

朱梓廬先生評泊釣臺詩以山谷爲得體要予謂九鼎一絲鍊句甚細密意猶側重

一邊未爲實錄擬爲此句
各適其適有相益之美

殿頭伸脚動星辰屋裏曾無交謫人梅尉妻兒尤可念得
子陵是梅福婿室家自安清苦故
能成其節補出此層身分始圓足

感事

景定公田商畧中降災爲崇自言功罵聲未了賈丞相又
作東風捲地空

題沈儼伯先生遺象

忠厚傳家學司空舊業存府西花樹會硯北壁書尊秋賦
慳時命冬心篤後昆祥雲標墓道下馬廣川門地師云此
地三十年後必發但不利長房先生毅
然當之不惑後悉應予親聞乙庵師說

澎湖遺老續集卷三

澎湖遺老續集卷四

秀水金蓉鏡

詞

一叢花 春感

茶蘼梔子未成陰好費孟婆心無端猛雨攔門打早勸回
蜂蝶來尋橫板護橋枯槎當道掃地但聞琴分飛鶯燕
各求林蕪沒見苔砧年來慣下哀時淚一回見更一回深
斜照到門子規嗁血劒氣繞寒林

念奴嬌

懷馬湛翁武林

東南修竹想乾坤清氣孤撐雪屋滿架琴書無恙在挂角
自驅黃犢浴鐵前呼脫巾下拜指似康成塾別來彈指蟲
沙無數榮辱我亦撰杖安歌往來海上且飽侏儒粟每

見僧彌勤問訊詩句鍾評相續何日同遊悟門便啟齊入
蟪蛄錄請提心印散沙休再撈漉

法曲獻仙音

丁卯中秋夢坡壽筵賦呈

采合珠暉花圍衣襯香篆微雲新卷重疊芝蘭森湛桐葉
秋清又逢身健正人月同圓候豔歌聽鶯囀舉杯勸看
鴛鴦引雛春院更對對連波白頭相炫同住擬天隨倘聞
風苑裏曾見好事星娥問今夜銀漢清淺照一庭秋色報
道桂輪初案

采桑子

題徐仲可純飛館填詞圖

春花過後遊人在醉捻殘紅爭訴東風吹墮先生鼓笛中
西湖好向鷗邊住一抹雲空絃上焦桐猶說箏船處處
通

南鄉子

題張伯華歌樓聽雨圖

歌板憂瓊筵文沈風流在眼前五月山塘梅子雨當年留
得驪珠字字圓勝蹟見流傳滿幅龍鸞舞欲仙香帖持
來慈母手依然好箇門風泊宅邊

江城子

題張伯華木蘭洲觴月圖

茂先才調信文賢月當筵酒如泉嚼蕊吹花撐出檝頭船
風露不嫌臨夜半攢玉字拍洪肩木蘭洲畔對嬋娟是
何年翹車誕好月如丸花影弄常圓不照人間桑海淚茅
屋底曲肱眠

江城子

任伯年爲張石銘寫半面小象時年二十餘也
尙未署款旋失之俞君語霜購得仍歸石銘屬

題賦
此

頰邊神妙到三毫最清超盡情描顧覲廚中飛去又重邀

一笑鳳毛猶未罷誰搔背認前朝
桂花風送蹀香鑣見
高標事非遙汐社相逢晞髮更長謠
試訪釣臺重引睇明
鏡裏滿霜毛

西江月

馬翁禮華善點綴園林

疊石看山成癖移鶯得樹頻招
豪門朱戶競相邀著手春
生一笑入市不齎餘驢結廬
好住山坳酒餘露頂任逍
遙巴挈幾時得到

鵲橋仙

葉璋伯怡園會琴圖

殘蟬曳響遊魚躍浪一曲求鳳
如訴西風吹到海潮音又
勸請成連且住蝦簾低捲龍香
輕撥細數飛花當路賓
雲高揭幔亭秋是那箇神仙下
顧

南柯子

莫千山圖

試劔湛盧窟求仙巨勝花拍肩
星漢與同槎不羨淮南金
竈有丹沙壇館陶弘景新宮
蔡少霞年年天外聽笙琶
特地醉來闌入上清家

瑞龍吟

戊辰元宵

門前路幾日掃雪尋梅淨無塵
土寶光花炫隣坊鬧蛾不
斷流星著樹細分數若個寶釵
嘶騎十棒齊鼓更添萬
點明珠遠拖線腳撩人笑語
見慣司空前度帝京春夜
攜朋招侶齊走樂遊原邊呼
雜兒女而今老大影事難全
舉何堪說長楊繫馬霓裳催
舞花事知誰主閉門只寫春
符舊句那管春人嫵呼取酒
杯空然燈窺鼠明朝睡起看
花何處

花犯

飲黃梅花下

清香撲冰蕤拂檻移琴就新焙暖於貂翠看蠟貌梳心清
絕無對折枝欲問東皇意孤芳信旖旎記寂寞偶逢佳約
杯乾人已醉看花近來怨飄零風饜又雪虐須防憔悴
依舊好酩酊也額黃斜覷直移在月娥鏡面應說著清風
聞好噓試摘取膽瓶供養休教蜂蝶遲

臨江仙

詠隋蜀王董美人墓志

心繫君王碁局上妙彈巾角無聲瓊瓊續影月華生千金
臨寶鏡雙玉映瑤笙寫豔餘心憐故黛洛神小字留情
花臺去歲話零星告天迷夜雀舞扇冑流螢

虞美人

畫梅

看花仍借當時眼只是遊仙晚孤山斜處曉雲空惟向橫
枝圖上見濛濛寶元人去重回首招鶴知來否花光舊

本寄殷勤雪裏尋春有幾獨遊人

小重山

題鍾雋人遺象雋人諱積基石門歲貢生孝親至老有孺子色辛亥冬遜位詔下以病謝客終

歲樓居卒年七十三

菊老柴桑爭古香神樓高玉宇坐來長醉中胸次寄羲皇
蒼顏在玉色見餘光一樹老東牆秋風吹勁葉落何妨
膏蘭明滅爲誰芳瓠稜夢楚老弔斜陽

醜奴兒

子與恣西居士別二十年矣晤於滌濱重有此

五溪深處春風夢幾樹柟雲好箇遊人照鏡焚香禮玉眞
蛾眉夢斷長門怨搗損羅裙欲訴文鱗曲折瑤池語不

聞

點絳脣

得耿伯齊松江書

滿眼春茸問車已說松江過叢書新課射鴨何人果老

去維摩一事真無箇殘雲墮新詩難和望到茶蘼破

相見歡

詠油茶

黏盤一味清疏剪春腴到口蜜香開甕勝花豬
庾郎非周郎竟那知渠堪笑粗官忘了汜家書

念奴嬌

贈劉左泉

閒來博塞甚逢場輒韃何關巧拙仕宦原如五木戲顛倒
任人狐搢看到殘山貨郎賣盡有口休分說一回更獵小
憐何處狂熱攜手煙月江南某山某水游釣從鷓鴣君
有壺中天地在我亦書城橫割口舌得官毛錐故技且鬪
閒生活畫圖可贈終南爲謝車轍

丹鳳吟

廢園牡丹

上苑春風先到萬種芳心爭數丹碧環肥燕瘦齊入懔懔

名籍何人絕代最承恩寵第一昭陽催醒長笛早有人憐
禍水一任繁華吹向簾外塵陌夢到國花榭畔孟婆夜
報仙苑客掣動金鈴幔已無心遮護空剩沈魄阿嬌何在
漢武亦驚寂寂何況相如爭賦手已空損詞格繞園一匝
終日聞太息

浣溪沙

陳仁先畫山水冊

細墨輕苔點染親陳郎驚坐最多文摩霄丹鳳見翻身
筆底橫雲描淺黛夢中花雨戀濃春何時真箇上嶙峋
馬遠殘山一角分無情鷗鷺亦知津箇中宜著倦遊人
一半漁樵寬位置十分風月話清新移家知近許由隣

攤破浣溪沙

夏間

雪藕分絲冰齒涼夢回嘶騎繞隄芳清簟水紋交玉枕

卷衣忙 幾度拂碁難落子再三擣麝試添香伴佩宜男
階下草問檀郎

師師令

蠟梅畫障

園林獨樹翦黃羅風快何時移向錦屏中更額上金星多
態綺閣笛聲寒叵奈要夜香添袂禪心清絕因誰害爲
啼痕沾帶漢宮休賦曉妝成正雪壓夢廬山寨催寄一枝
江竹外知有人簪戴

永遇樂

題林鐵尊半櫻庵詞

洞溯芳洲孝廉船在雲海人悄柳已成圍巔毛欲雪歸夢
仍空繞譜成漁笛追尋野語起舞水濱風峭記乘槎天河
泛月目極大荒煙嶠霜腴舊話金樽相對同是承平年
少游戲人間流連故國揉碎霓裳調鶯聲過了花枝謝

後浪說十洲春到沉重問冬青怨語斜陽又弔

時正集資
重奠二陵

好事近

詠桂用彊邨韻

華月動金樞葉葉玉雲遮戶小住淮南未厭已爛柯終古
淨居不染一塵纖結界眾香布親見月宮蟾客費寶裝

仙斧

八聲甘州

雷峯塔經卷

憶錢王功德在錢唐經塔一時留看支持風雨寒鴟繞樹
鈴語當秋那得虛空不壞龍象亦應愁惟有殘僧在來對
沙鷗一卷舊傳貝葉向冷攤瞥見字字清適喜承平故
物重與散花收似空山賓廬定起待幾時彌勒下生休爭
來訪孤村流水匹馬荒邱

摸魚子

題汪碧巢先生遺象用卷中體韻

小方壺好攜家去梧桐涇上逃暑隱囊紗帽橫琴坐好寫
六朝秋紵誰付與有一曲荷風潤到移情處清詞幾許看
竹垞攤箋周簣按譜料理浣花語詞林事研切功商激
楚墨痕翻動華楮螺紋扁刻流傳遠照耀石渠鍾呂吟不
住剩井水村邊歌聽旗亭取比隣謝墅便過訪幽林荷衣
一出仍識紀羣侶余家與汪氏舊期至今不替

如夢令

曉市鶯桃熟後畫水雉蕪待久恣意采香游幸有故人沽
酒沽酒沽酒醉倒先生五柳

惜分釵

送程子大歸武昌

秋將社征人咤洞庭葉落湘靈下鹿川風鶴樓鐘草滿江
隄水滿漁宮濛濛詩筒寫清樽把十年一拂金羈馬月

當空筑聲春試問武昌種柳衰翁匆匆

又

招盧綰迎麗煖穿籬鳥雀呼來滿亂秋鐙散如星空對殘
碁食子堪驚錚錚青山剗銅盤斷夷吾卻在江南岸枕
中行眼中情哀樂無端寫出蕪城惺惺

溫州府 卷之四